

四庫全書

史部

欽定四庫全書

河源紀畧卷十三

質實五

河水北流一百里折西北流一百四十里經察罕丹津南折西流一百二十里繞阿木柰瑪勒占木遜山北

河水至烏蘭莽察多渾境折北流復西北流有六水俱出阿木柰瑪勒占木遜山之北麓來注之諸水去

各二十餘里其北岸有阿齊納們汗所居

蒙古語人名也部落

之長也即以所居名其地焉

西境水流八十里來注之有羅察布

拉克山水

蒙古語羅龍也察花紋也布拉克泉也山有龍泉故名

流百里來注

之河水至察罕丹津

蒙古語地名

之南察罕托羅多渾

蒙古

語渡口名猶言白頭渡也

之北折正西流有五水亦自大山北麓

流出其東二支由一源分流並注其西三支經公策

旺多爾濟境

蒙古語人名以所居名其地

來注之其北境有一水

二源合西流為巴噶哈柳圖水

蒙古語巴噶小也哈柳水獺也圖有也小

水旁多獺獺故名

長一百八十里來注之其南境有底衛奎

多克山

蒙古語
山名

水共七源合流一百二十里來注之

底衛奎多克山即大雪山西延亘不斷之來脈山極
高峻其西又有四水各流八十里來注之河水折西
流處極三十四度六分西十五度

河水折西北流一百二十里經伊克圖爾根山西折北
流五十里合哈爾渾舍里諸水

河水折西北流南有圖生水

蒙古語
水名

源出底衛奎

多克山西曲曲流一百二十里來注之又西有三水

各行八十里來注之其北境有伊克哈柳圖水

蒙古語大

水旁有水

有三源出巴噶圖爾根山

蒙古語圖爾根水湍急也山泉

獺之名

小而流急故名

皆東流曲曲轉西并流合北境一水西流共

一百六十里來注之又北有吉卜水

蒙古語水名

合衆流

來注其西源出哈爾吉嶺合托輝哈達二水又北境

合二水又東合密拉水

蒙古語密拉鞭也河形似之故名

轉北流共

一百八十里其東源出車山

蒙古語山名

合二水而西有

得爾登水

蒙古語得爾登水聲河中多石水激之而成聲故名

合二源來注轉

北流亦名圖生圖水共一百四十里合西源水北行

有西偏二水來注為呼魯穆蘓水

蒙古語呼魯穆蘓臭惡之謂水流不

潔故折西北流為吉卜水入大河此水源流二百八

十里入河水處極三十五度二分西十六度六分河

水又北有博爾綽巴水

蒙古語博爾水獺也博爾綽巴水名

二源北流

轉東至阿爾坦和博布拉克

蒙古語和博盛乳之器以皮為之水色黃可汲

用故

之西東北流又北合一水有哈爾渾舍里水

蒙古

語水

源為薩爾哈布齊海水

蒙古語哈布齊海謂山峽中路也薩爾城也山

形如城水出其中故名

流一百里至阿克敦齊老圖

蒙古語地名

北

又八十里經鄂博圖

蒙古語鄂博壘石祭神之所圖有也地有鄂博故名

南會

博爾綽巴水東北行入大河入河處極三十五度四

分西十六度六分

河水折東北流一百里折而北一百二十里會托里布拉克諸水

河水東北流經登努爾特嶺

蒙古語山名

之南伊克圖爾

根山之北折北流有恰克圖水

蒙古語恰克圖水也水腥故名

自東

來注之水有二源西源出伊克爾圖根山東麓經貝

勒拉察布所居

蒙古語人名以所居名其地

之南繞而東北有圖

爾根水

蒙古語水流急也

自東來會東源出鄂隆郭托羅海

蒙古語

山峯名

二支合西流會西源水共二百里入大河又

北有碩爾郭爾水

蒙古語水名

出察罕納們漢

蒙古語地名

西

流合二水長一百二十里入大河又北有托里布拉

克水

蒙古語托里鏡也布拉克泉也水圓如鏡故名

有五源西二源一出碩

羅嶺

蒙古語山名

及魁騰西里克布拉克

蒙古語魁騰冷也西里克山間

平甸也地居山眾泉澆潯形如星宿西南流百二十

中水常寒故名

里一出哈爾渾舍里山

蒙古語地名有山即以其地名之

北麓北流

五十里合西流為布哈什爾噶水

蒙古語布哈野牛也什爾噶黃羊也

水濱多此故名

南源二支並出鄂博圖北麓合北流八十里

來會北源為袞額爾吉水

蒙古語袞額爾吉深坎也河居窪地故名

東南

流八十里來會西流又六十里入大河入河處極三

十五度八分西十六度三分

河水東流一百里經額爾得呢台吉阿布集南北里嶺

北其北為巴彥布拉克又北為柴集水又北為庫庫淖爾

河水東流兩岸諸山環集北岸巴彥布拉克之北有

一水西出烏克達爾山蒙古語山名渚為達布遜淖爾蒙古

語謂鹽池也東南流出為柴集水蒙古語柴集謂寨也又東

南流有一水自南來注有烏蘓圖布拉克蒙古語泉水名合

殷得爾圖淖爾水蒙古語池旁有高地故名曲曲北流來注其東

有松額淖爾水蒙古語池名克爾特黑淖爾水蒙古語池名來

注旁有泉源數十泓皆停不流此水長三百里南去

大河一百里又其北為庫庫淖爾

蒙古語庫庫謂青即青海也

東

西二百四十里南北百里衆山環繞諸水迸集涵泓

渟蓄波光獨青其中有奎遜托羅海

蒙古語奎遜謂臍也居中之謂

山峯居青海中故名

察罕哈達山

蒙古語白峯也亦在青海中

相對並峙其

東西控引諸泉綿地計長八百里廣三百里而羸西

源為英格淖爾

蒙古語英格母駝也澤旁宜于母駝孳乳故名

出牛尾山巴

彥山之南東南流出一百里有哈拉西納水

蒙古語西納山

岡也河旁山由瑰滿山南流來注又百里有沙爾淖

雨水

蒙古語沙爾牯牛也澤旁多此故名

自西來經庫庫色爾格嶺

蒙古

語色爾格小山羊也山中多青羊故名

北東流百二十里而合又東八

十里經貝勒彭蘓克旺扎爾所居

蒙古語人名以所居名地

之北

有什爾噶水

蒙古語什爾格黃羊也瀕河產此故名

羅薩水

蒙古語羅薩驛也瀕

河產此故名

二水合流經台吉吹拉克諾穆齊所居

蒙古語人

名以所居名地

之南長一百里來注又東七十里經墨和爾

布拉克

蒙古語泉名

之北有布哈水

蒙古語布哈野牛也瀕河有此故名 自

北來注經輝克托羅海

蒙古語
山峯名

南入淖爾此西來大

源長四百餘里源處極三十七度八分西十八度八

分沙爾淖爾之南連山圍繞有諸水不入庫庫淖爾

者其西為阿里哈水

蒙古語
水名

流六十里為胡魯魯淖

爾

蒙古語
水名

其西南有額勒蘓淖爾

蒙古語額勒蘓沙
也池有沙渚故名

周流百餘里源出甘珠爾齊老峯

蒙古語甘珠爾佛
經也齊老石也相

傳其地有曝

經石故名

西哈爾噶山

蒙古語
山名

二支合而正西流

為布隆吉爾水行二百里有衆泉環列如星宿復西

行入額勒蘇淖爾而伏計長二百八十里正當公敦

多有達喜所居

蒙古語人名
以所居名地

之南其北有哈拉淖爾

又有兩博爾淖爾

蒙古語水獺也
澤旁有此故名

一出天青察罕哈

達

蒙古語
山名

西流一出庫庫色爾格嶺南流並瀦而伏

正當貝勒達顏所居

蒙古語人名以
所居名其地

之左右此諸水

在青海西南不入大河亦不入青海庫庫淖爾北境

山自巴彥山延亘向東為庫德里山

蒙古語庫德里
麝也山有麝故

名為巴哈烏蘭和莽山

蒙古語
山名

有一水流六十里又

東有伊克烏蘭和紹山

蒙古語山名和紹即和碩山
喙也山石大而紅色故名

有一水流六十里正當台吉策凌敦多布所居

蒙古人語

名以所居
名其地

之西又東為伊克哈爾吉山

蒙古語謂大
碎石山也

有一水流出合東來一水長百里正當台吉色布騰

所居

蒙古語人名以
所居名其地

之東又東為沙拉克圖山

蒙古
語山

名有一水合二支流七十里以上諸水皆從北境南

流入庫庫淖爾其東有巴噶淖爾

蒙古語
小池也

周圍六十

餘里有巴爾齊老水

蒙古語巴爾謂虎齊老
謂石有石如虎故名

察罕托

羅海水從東境西流入淖爾其南境山自柴集水之

北諸山延亘自公敦多布達喜所居東南行有一水

自西境東流來入又東南為扎噶蘓台水

蒙古語扎噶蘓台謂

有魚也水多魚故名

為巴哈察罕哈達為圖和碩伊克哈海嶺

蒙古語山名

為察罕鄂博

蒙古語謂白山壘石處也

為謨和爾布拉克

蒙古語泉名

有八水長五十里至八十里自南境北流入

庫庫淖爾又東有烏蘭布拉克水出索爾古山

蒙古語山

名西北流會北來一水又會蒙古圖布拉克水北自

阿蘭錫蘭嶺

蒙古語山名

南流來注又西流有和爾水

蒙古

語水

出謨羅穆山

蒙古語山名

南流來注又西北行有巴

顏淖爾水北流來注正當阿穆尼色爾沁

西番語阿穆尼亦作

阿彌耶祖也色爾謂金也沁大也山體高大色黃如金故名

之東而西北流入淖

爾此水合五源共長二百里與察罕托羅海水相鄰

此庫庫淖爾全境也庫庫淖爾極三十六度六分至

三十七度四分西十五度六分至十六度去大河之

北百八十里

按西寧邊外自古西羌所居統名西海庫庫淖爾
南去積石山五百里北去肅州五百里西南至鄂
敦他臘七百里大河曲流至其東南已二千七百
里羣山包絡土地肥衍其水在萬山中不與河通
然其西北一隅正與敦煌西之哈拉淖爾諸泉相
值東南一隅與大河支流甚近形勢相聯其實即
大河之緒流旁蓄自西域而入西寧者也

皇朝奠定諸羌隸以版圖青海全境為厄魯特二十九

旗耕牧之地伊古所謂鮮水卑禾羌海羈置不常者皆在休養生息之中碁布星羅較如畫一臣等詳紀大河經流並得細述青海四隅瞭然如指諸掌竊以庫庫淖爾水色瑩然獨青者蓋以諸山盤亘泉源潏發不與衆水相雜之故以淖爾之青證之阿勒坦郭勒之黃益知地雖相近而源有獨真不得以青海統名遂置百道流泉之本於不問也河水折東北流八十里經龍羊峽東貴德所西折而東

入甘肅河州界為中國河

河水初折東北流之處有烏蘭水出達成嶺

蒙古語嶺名

西流一百里有墨里和爾和山水

蒙古語山名

伊克沙拉

克圖山

蒙古語山名

水二源合北流百餘里來會西北行

一百里經溫泉邊城之南入大河河水東北流七十

里穿龍羊峽有貴德所西南水和卓蘭台

蒙古語地名

水

東北流注之又北四十里有烏拉布拉克水


蒙古語泉水名

自庫庫淖爾南境阿穆尼色爾沁山之麓二支南流

出會兩淖爾水一百二十里來注之河水東行經貴德所四十八戶所居之北自此入甘肅河州界入界處極三十六度西十五度五分

按大河自庫庫淖爾之南大勢東行自入貴德所後所受泉流漸多水色全黃始名黃河其貴德所以西亦皆青海境也臣等紀昆侖重發之源欽承睿訓詳祈紀載以著源委經曲之實蹟河源重發至甘肅河州西界共二千九百里以經緯度按飛鳥圖

法計之實一千四百餘里大河至此蓋四曲云



欽定四庫全書

史部

河源紀畧卷十四至
七

詳校官監察御史_臣王爾烈

刑部郎中_臣許兆椿覆勘

纂修官編修_臣吳省蘭

謄錄監生_臣蔣濂

欽定四庫全書

河源紀畧

證古

謹案晉書裴秀作禹貢地域圖謂山川地名從來
久遠多有變易說者或強牽引漸以闇昧于是甄
摘舊文隨事注列是知輿地之學質之今尤宜証
諸古也我

皇上欽命使臣尋討河源得阿勒坦河源于噶達素齊

老之上距星宿海西三百餘里窮探靈秘遠軼前

代臣等恭繹

鴻訓乃知河出崑崙始見于蔥嶺和闐注蒲昌海而伏
復潛行千五百餘里至青海西南發為阿勒坦河
即所謂重源潛發者也然則西域河源與青海河
源本自為一

聖人謨訓足以垂則古今臣等欽奉

睿裁旁搜載籍凡言河源有關典要者以類編緝卷一

曰崑崙卷二曰蔥嶺河源卷三曰于闐河源卷四
曰北山枝河曰蒲昌海卷五卷六曰青海重源通
為六卷雖未足以仰和

韶咸而稟承

天藻亦庶幾知所研極云爾

欽定四庫全書

河源紀畧卷十四

證古一

崑崙

謹案爾雅有河出崑崙墟之文欲定河源必先
定河所出之崑崙崑崙定而河源亦定矣伏讀
皇上諭旨及

御製河源詩案語皆謂武帝紀所云崑崙本不誤崑崙

在回部中至哉

聖人之論允堪作範圍經伏考崑崙山脉綿亘遼遠不知紀極回部諸山皆從之結體而大河之源見焉鬱結旁薄發為神靈之瀆其為基也大矣

臣等恭

研

天藻凡載籍所紀足以叅証

高深者敬加臚次以誌欽崇列為首卷至諸書中僅載崑崙之名不言河之所自出或詞涉詭異有乖典

則者不敢矜富五都妄事撫拾此皆恪承

聖訓幸切依歸淺見寡聞庸盡根尋之旨歟

爾雅河出崑崙墟色白所渠并千七百一川色黃
註潛流地中汨激沙壤所受渠多衆水溷淆宜其
黃疏言河源出于崑崙山下之基其初纖微源高
激湊故水色白也

又西北之美者有崑崙墟之璆琳琅玕焉

爾雅釋文郭音義云禹本紀及山海經皆云河出

崑崙山漢書曰張騫使西域窮河源其山多玉石而不見崑崙山世人皆以此疑河不出崑崙案山海經曰東望沕澤河水之所潛也其源渾渾泡泡又曰敦薨之水注於沕澤出於崑崙之西北隅實惟河源也

又按圖讚曰崑崙三疊號曰天柱實為河源水之靈府

禹貢孔傳織皮毛國有此四國在荒服之外流沙

之內羌髦之屬孔疏鄭元云衣皮之民居此崑崙
析支渠搜三山之野者皆西戎也王肅云崑崙在
臨羌西析支在河關西西戎西域也鄭以崑崙為
山謂別有崑崙之山非河所出也

禹貢正義河出崑崙而後至積石

史記夏本紀索隱爾雅云河出崑崙墟其色白是
河發源崑崙禹導河自積石而加功也

史記大宛傳索隱按山海經河出崑崙東北隅西

域傳云南出積石山為中國河積石非河之發源
河源本崑崙而潛流至于闐又東流至積石始入
中國山海經及禹貢各互舉耳

後漢書班固傳西過河源注在崑崙山

山海經西次三經崑崙之邱是實為帝之下都河
水出焉而南流東注于無達

北山經敦薨之山敦薨之水出焉而西流注於沔
澤出于崑崙之東北隅實為河源

海內西經海內崑崙之墟在西北帝之下都河水
出東北隅以行其北西南又入渤海又出海外即
西而北入禹所導積石山

淮南子地形訓河水出崑崙東北隅貫渤海入禹
所導積石山高誘注河出崑崙山伏流地中

河圖括地象崑崙之山為地首上為握契滿為四
瀆

河圖始開圖崑崙之墟河水出四維

又黃帝問風后曰余欲知河之始開風后曰河凡

有五始開于崑崙之墟

上三條並見
太平御覽

河始闢圖黃河出崑崙東北角剛山東

見永樂
大典

水經崑崙墟在西北河水出其東北隅

說文河水出燉煌塞外崑崙山發源注海

風俗通河出燉煌塞外崑崙山發源注海

廣雅釋水崑崙墟河水出其東北隅

徐鍇說文通釋禹貢記禹所施功故止言自積石

河為四瀆之長所以限隔中外其勢慄悍察其發源遠大委輸多之所致其含靈蓄恠莫斯為大未必始于積石爾雅周公仲尼之徒所記而云河出崑崙擢而論之其出崑崙詳矣

王觀國學林尚書禹貢曰導河積石至於龍門或鑿山或穿地以通流然則禹導河水其功力始于積石耳而鄧展註史記乃謂河源出于積石誤矣倪鎭類釋考黃河源出崑崙由積石至龍門盤東

山硤間忽得平地其流怒駛水行土中故其水黃濁

謹案河出崑崙墟見于爾雅諸家祖述之者咸確鑿可據司馬遷節展不信禹本紀山海經之文然爾雅所陳傳記所載証以

今日圖經回部大山為河源之所從出古今一轍有灼然不虛者

天藻煌煌昭垂典訓羣言秉

聖庶其不昧于方隅乎

又案爾雅崑崙墟有瑇瑁玕孫炎註云墟者
山下之地郭璞山海經註墟山下基也今回部
極西為蔥嶺稍南為和闐其水玉隆喀什哈喇
喀什二河皆產玉是即所謂瑇瑁玕而西南
諸山岡嶺蟠亘則即所謂崑崙山下之基也回
部在中國西北故云西北之美此崑崙為河源
在今回部之確證水經注通典通考通志太平

寰宇記諸書皆以阿耨達山為崑崙為河源之所自出蓋本于釋氏西域記之說惟是張騫窮河源馬遷謂其未覩崑崙王觀國學林謂張騫身所至者大宛大月氏大夏康居其旁大國五六如于闐諸國皆騫所傳聞未嘗身至尚何崑崙之責然西域河源張騫發之于前武帝命使繼之于後真知灼見非同懸揣故漢武所名崑崙自有圖書可據騫身雖未至于闐不睹崑崙

要非西域之實無崑崙也伏讀

皇上諭旨謂武帝紀所云崑崙本不誤

聖謨精允鴻義昭垂蓋西域西南山綿亘數千里與中國南山相屬氣脉長遠無踰于此今回部近隸版圖羣山不在荒遐以河水所發之墟跟尋崑崙之體則酈註所云東海方丈亦有崑崙之稱西洲銅柱又有九府之治一切掇拾枝辭皆不攻而自廢矣

又案高誘淮南子註河出崑崙山伏流地中郭璞山海經註河南出崑崙潛行地下應瑒靈河賦咨靈河之遐遠兮于崑崙之神邱凌增城之陰隅兮賴后土之潛流成公綏大河賦潛崑崙之峻極兮出積石之蹇我爾雅釋文河出崑崙便潛行地下初學記亦云河源出崑崙之墟東流潛行地下至規期山據此諸書皆謂河出崑崙即伏流不見然證定河源要當以顯出之河

為據今蔥嶺和闐諸河顯出羣山之麓是為河
之真源亦即崑崙之正體明矣

欽定四庫全書

河源紀畧卷十五

證古二

蔥嶺河源

謹案漢書西域傳云東則接漢扼以玉門陽關
西則限以蔥嶺夫大河源流百折必東而蔥嶺
居西域之正西其為河源明矣唐西域記云蔥
嶺南接大雪山北至熱海千泉西至活國東至

烏鍛國南北各數千里涼土異物志云蔥嶺之
水分流東西西入大海東為河源今考蔥嶺東
流之水一曰蔥嶺北河即水經註所謂北河又
東北流者是也一曰蔥嶺南河即水經注所謂
自岐沙東分南河者是也釋氏西域記謂二支
北流逕屈茨烏夷禪善入牢蘭海謂此南北二
河同出蔥嶺又東注泐澤也以今回部輿圖證
之北河當為喀什噶爾水南河當為葉爾羌水

二支皆東北流入羅布淖爾與水經注所載二
支入牢蘭海者全合謹按據古今地志兩兩參
覈乃知西域水道雖未必盡無移徙而流逕大
端要可一一證合焉

漢書西域傳其河有兩源一出蔥嶺山

後漢書西域傳其河有兩源一出蔥嶺東流

水經又南入蔥嶺山又從蔥嶺出而東北流

水經注涼土異物志蔥嶺之水分流東西西入大

海東為河源

右河出蔥嶺

水經注河水自蔥嶺分源東逕伽舍羅逝國釋氏西域記曰有國名伽舍羅逝此國狹小而總萬國之要道無不由城南水東北流出羅逝兩山山即蔥嶺也逕岐沙谷出谷分為二水又云北河東北流枝流出焉北河自疏勒經流南河之北暨于溫宿之南左合枝水北河又東逕姑墨國南北河又

東逕龜茲國南河水又東逕墨山國南河水又東
逕注賓城南又東逕樓蘭城南而東注河水又東
注泐澤

謹案水經注云河水出羅逝西山山即蔥嶺又
云逕岐沙谷分為二水考

欽定西域圖志蔥嶺有二河北為喀什噶爾達里雅南
為葉爾羌謂斯騰喀什噶爾為古疏勒故鄯注
云北河自疏勒逕流南河之北葉爾羌為古莎

車故鄜注于南河云又東逕皮山國北西去莎
車三百八十里也漢書云從鄯善傍南山北陂
河西行至莎車為南道西踰蔥嶺則出大月氏
安息自車師前王庭隨北山陂河西行至疏勒
為北道西踰蔥嶺則出大宛康居奄蔡據此則
疏勒在蔥嶺之東北故河為蔥嶺北河莎車在
蔥嶺之東南故河為蔥嶺南河此其大較也疏
勒為今喀什噶爾地北河自疏勒逕流南河之

北則為喀什噶爾河無疑考唐西域記波羅川
中有大龍池池東派一大流東北至佉沙國西
界與徙多河合而東故此已在水皆東流西域
記又云佉沙國舊名疏勒徙多河即中國河今
考蔥嶺北河正從喀什噶爾西界東流即佉沙
國西界之徙多河也北魏書疏勒南有黃河蓋
河自喀什噶爾之西又流還喀什噶爾之南故
曰南有也隋書及西域記謂渴盤陀國都蔥嶺

中負徙多河渴盤陀在疏勒西南六百里今蔥
嶺北河在疏勒之南渴盤陀之北故渴盤陀都
城北負徙多河也通鑑唐德宗紀婆葛發五千
騎出疏勒郭元振在疏勒柵于河口不敢出當
即今之喀什噶爾河口也

又案後漢書耿恭傳云恭以疏勒城傍有澗水
可澗又云匈奴遂于城下擁絕澗水今木什河
特們河在喀什噶爾城北赫色勒河特爾墨楚

克河在喀什噶爾城南皆近在二十里內俱出
喀什噶爾西北山則即耿恭所謂城傍有澗水
也匈奴擁絕澗水當并城北之木什河特們河
及城南之赫色勒河特爾墨楚克河皆擁絕之
蓋南北澗水俱絕故恭始于城內穿井也

又案鄺注云北河暨于溫宿之南考後漢書西
域傳疏勒東北經尉頭溫宿以

欽定西域圖志考之溫宿為今阿克蘇在喀什噶爾東

北與疏勒東北經溫宿方隅相合今喀什噶爾
河東北流逕阿克蘇之南即酈注所云暨于溫
宿之南也酈注又云北河又東逕姑墨國南又
東逕龜茲國南考漢書西域傳姑墨東通龜茲
六百七十里龜茲西與姑墨接以

欽定西域圖志考之姑墨在今庫車之西雅哈里克
左右龜茲為今庫車彼此相距里數古今符合
今喀什噶爾河東北逕雅哈里克又逕庫車

之南即酈注所云北河又東逕姑墨國南又東逕龜茲國南也酈註又云河水又東逕墨山國南考山國西至尉犁二百三十里西北至焉耆百六十里以

欽定西域圖志考之尉犁為今哈勒哈阿瑞焉耆為今哈喇沙爾墨山國既當在哈喇沙爾東南百餘里在哈勒哈阿瑞之東二百餘里則其地約直今伊德格爾阿拉爾東南境矣酈注又云北河

又東逕注賓城南又東逕樓蘭城南注賓城于
漢書西域傳無考其在樓蘭之西無疑此河自
樓蘭東注泐澤則注賓樓蘭皆在今羅布淖爾
西北可知也一統志以噶斯為樓蘭亦與酈注
所云自樓蘭東注澤合也攷新唐書地理志自
蒲昌海南岸西經七屯城漢伊修城也又西八
十里至石城鎮漢樓蘭故國也在蒲昌海南三
百里以輿圖證之今噶斯淖爾迤西戈壁之地

正在羅布淖爾西南其距羅布淖爾里數與唐志合則噶斯迤西真古樓蘭河水北逕噶斯西戈壁之地然後東注羅布淖爾即酈注所云注賓河逕樓蘭北又東注澤也新唐書地理志石城鎮又西二百里至新城又西經特勒井渡且末河五百里至播仙鎮古且末城也然則註賓河流逕之地當在唐特勒井石城鎮以東與今厄爾勾河為近也

右蔥嶺北河即喀什噶爾河

水經注一水東流逕無雷國北又東流逕依耐國
北去無雷國五百四十里河水又東逕蒲犁國北
北去疏勒五百五十里河水又東逕皮山國北西
去莎車三百八十里

謹案鄯注載南河所逕一曰無雷考漢書西域
傳無雷南至蒲犁五百四十里南與烏秣北與
捐毒西與大月氏接今以

欽定西域圖志考之無雷當為今之阿喇楚勒樂爾羌
河發源處在其東南數百里酈注云逕無雷國
北于方隅稍有未詳其他所逕之國與今圖志
無不脗合酈注載南河所逕又一曰伊耐一曰
蒲犁考西域傳蒲犁北至疏勒五百六十里東
至莎車四百四十里則蒲犁在莎車之西疏勒
之南又考西域傳蒲犁東至莎車五百四十里
西至無雷五百四十里伊耐亦東至沙車五百

四十里西至無雷五百四十里然則蒲犁伊耐俱當在莎車無雷之間西域傳又云蒲犁北至疏勒五百六十里伊耐北至疏勒六百五十里然則伊耐當在蒲犁之南今喀爾楚東至葉爾羌城五百餘里東北距喀什噶爾亦如之與西域傳蒲犁東至莎車五百四十里北至疏勒五百六十里正合則喀爾楚為古蒲犁無疑而喀爾楚南山谷間為伊耐國無疑今葉爾羌河南

源逕喀爾楚南又東北流則即酈注所云南河
又東逕伊耐國北也又逕喀爾楚北而東北流
即酈注所云東逕蒲犁國北也今喀爾楚北至
喀什噶爾五百餘里則即酈註所云又東逕蒲
犁國北去疏勒五百五十里也酈註載南河所
逕又一曰皮山國考西域傳皮山西北通莎車
三百八十里于闐西至皮山三百九十里今都
窪東北至和闐伊里齊城三百五十餘里與西

域傳皮山東距于闐三百九十里合薩納珠西
距葉爾羌城四百里與西域傳皮山西北距莎
車三百八十里合然則都窪以西薩納珠以東
為古皮山國甚明今葉爾羌河逕薩納珠西北
卽酈註所云又東逕皮山國北也註所言蔥嶺
南河經由之國皆今葉爾羌河所逕之地則葉
爾羌河卽蔥嶺南河可知矣

又案新唐書烏鎔北徑磧曠野五百里得疏勒

東南五里濟徒多水踰大沙嶺有斫句迦種或

曰沮渠斫句迦即莎車謂濟徒多水至斫句迦

則徒多水乃葉爾羌河也

西域記徒多河即中國河此所云徒多水

當作徒多水徒徒字相近而訛耳

今由汗阿里克南濟河至葉

爾羌即所云濟徒多水至斫句迦也西域記又

謂斫句迦國都城周十餘里山阜連屬沙石瀰

漫臨帶兩河今葉爾羌城環夾南北兩河之中

即西域記所云臨帶兩河也

南河又東逕于闐國北釋氏西域記曰河水東流
三千里至于闐屈東北流者也漢書西域傳曰于
闐以東水皆東流南河又東北逕扞彌國北治扞
彌城西去于闐三百九十里南河又東逕精絕國
北西去扞彌四百六十里南河又東逕且末國北
又東右會阿耨達大水釋氏西域記曰阿耨達山
西北有大水北流註牢蘭海者也其水北流逕且
末南山又北逕且末城西又曰且末河東北流逕

且末北又流而左會南河會流東逝通為註賓河
又東逕鄯善國北其水東註澤釋氏西域記南河
自于闐東于北三千里至鄯善入牢蘭海者也北
河自岐沙東分南河即釋氏西域記所謂二支北
流逕屈茨烏夷禪善入牢蘭海者也

謹案鄯注言南河所逕自于闐外一曰扞彌考
漢書西域傳扞彌南與渠勒東北與龜茲西北
與姑墨接西通于闐三百九十里考

欽定西域圖志庫車為古龜茲雅哈阿里克為古姑墨
新唐書自龜茲贏六百里有跋祿迦小國一曰
巫墨即漢姑墨以

欽定輿圖度之則雅哈阿里克左右當即其地漢西域
傳謂扞彌東北接龜茲西北接姑墨則在今庫
車之西南雅哈阿里克之東南又考漢西域傳
姑墨南至于闐馮行十五日是于闐當姑墨之
南而扞彌在姑墨東南則在于闐之東可知故

西域傳謂扞彌西通于闐三百九十里也今克
勒底雅在伊里齊東四百三十里與西域傳所
云扞彌西通于闐三百九十里合則古之扞彌
今之克勒雅也又酈註言南河所逕一曰精絕
考漢書西域傳精絕北至都護治所二千五百
五十三里于闐東北至都護治所三千七百二
十里是都護治所在精絕直北在于闐東北以
次推之則精絕亦在于闐東北矣故酈註言南

河自于闐東北逕精絕也今策特爾為古之烏
壘即都護治所然則古之今絕當在今策特爾
之南精阿氏爾干在策特爾南西距額里齊約
千餘里與精絕西去于闐里數大畧相合則古
之精絕今之阿氏爾干也又酈註言南河所逕
一曰且末考漢書西域傳且末城北接尉犁尉
犁在焉耆西南百里焉耆為今之哈喇沙爾則
尉犁當為今哈勒噶爾瑞今噶斯迤西戈壁為

古且末其北對哈勒噶爾瑞則即所謂北接尉
犁也以上水經所載南河逕過之國其西距南
河里數甚遠皆非南河所經之地但考于閼東
北皆戈壁西域記謂于閼東行入流沙沙磧流
漫聚散隨風人行無迹遂多迷路四遠茫茫莫
知所指行四百餘里至覩貨羅故國國久空曠
城皆荒蕪從此東行六百餘里至折摩馱那故
國即湟末地也

即且末

城郭歸然人烟斷絕從此

東行千餘里至納縛波故國即樓蘭是于闐東
北境一二千里可名國者不過二三餘皆沙海
絕無邑都鄴注欲記南河所逕不得指沙磧無
名之地以為標準精絕且未距南河雖遠然舍
此更無近國可表方隅矣考鄴註謂南河既逕
于闐國北然後逕扞彌精絕且未國北是此數
國皆由東向北故釋氏西域記南河自于闐東
迤北三千里也南河距此諸國之治雖遙而距

此諸國之境尚近故畧舉所過之境以識南北
爾

又案唐地理志于闐西五十里有葦闐又西經
渤海西北渡繫館河六百二十里至郅滿城則
是自于闐西北至繫館河六百七十里又考漢
西域傳于闐西至皮山三百八十里皮山西北
至莎車三百九十里則是于闐至莎車七百七
十里以今輿圖度之漢西域傳于闐至莎車道

里與今和闐伊里齊至葉爾羌道里相合唐地理志于闐至繫館河道里與今伊里齊至聽雜阿布河相合聽雜阿布河即與葉爾羌河會流東逝者也既渡聽雜阿布河百里乃至葉爾羌城即唐志所謂渡繫館河至郅滿城也

右蔥嶺南河即葉爾羌河

欽定四庫全書

河源紀畧卷十六

證古三

和闐河

謹案水經云其一源出于闐南山北流與蔥嶺
所出河合是于闐河自出南山不出蔥嶺水經
注此文別畫顯然北魏書謂于闐在蔥嶺之北
二百里蓋誤以南山為蔥嶺漢書西域傳云于

闐在南山下不云在蔥嶺下也伏讀

御製翻譯名義集正訛知和闐為自古及今不易之回
部其域郭疆圉確鑿如昔河流所逕尤可按里
而稽水經記載于闐河為北流以今輿圖証之
哈喇喀什玉隆喀什二河合而注葉爾羌河自
南方直向北流與經注最合以是知西域水道
雖僻在遠方而以今證古往往不爽也

史記大宛傳河源出于闐其山多玉石于闐之西

則水皆西流注西海其東水東流注鹽澤

漢書西域傳其河有二源一出蔥嶺一出于闐于
闐在南山下其河北流與蔥嶺河合

水經其源出于闐國南山北流與蔥嶺所出河
合

水經注源導于闐南山俗謂之仇摩置自置北流
逕于闐國西又西北流注于河即經所謂北注蔥
嶺河也

北魏書西域傳于闐城東二十里有大水北流號樹枝水即黃河也一名計式水城西五十五里亦有大水名達利水與樹枝水會俱北流

後周書異域傳于闐國城東二十里有大水北流號樹拔水即黃河水也城西十五里亦有大水名達利水與樹拔水俱北流同會於計戍

北史西域傳于闐城東三十里有首拔河城東二十里有大水北流號樹枝水即黃河也一名計式

水城西十五里亦有大水名達利水與樹枝水會
俱北流

西域記城東南百餘里有大河西北流國人利之
通典于闐河名首拔河亦名樹枝河或云即黃河
也北流七百里入計戍水一名計首水即蔥嶺南
河同入鹽澤

冊府元龜城東有大水號計戍水即黃河也

太平寰宇記一名首拔河一名樹拔河或云即黃

河也北流七百里入計戍水一名計首水

通志于闐名首拔亦名樹拔河或云即黃河也北

流七百里入計戍水

通考作計首水
一名計戍水

謹案北魏書及後周書謂于闐城東有樹枝水
當即今伊里齊城東玉隆喀什河又謂于闐城
西有達利水當即今伊里齊城西哈喇喀什河
北史又云于闐城東三十里有首拔河城東二
十里有大水北流號樹枝水則是于闐城東相

距十里內又有兩水矣考今玉隆哈什河自皮
什雅南流至玉隆哈什南分為東西二支流六
十里復合以輿圖測之二水相距東西約十里
正與北史兩河相距里數相合北史所云樹枝
河當為玉隆哈什西支之水距里伊齊甚近故
云城東二十里其首拔河當為玉隆哈什東支
之水距伊里齊差遠故云城東三十里也又考
今哈喇哈什河在伊里齊城西北十八里而北

魏後周書達利水在于闐城西五十五里與今道里不合五十五里句上五字當為衍文達利水距于闐城西十五里與哈喇哈什距于闐城西十八里正相符合耳又考通典通考通志太平寰宇記皆謂樹枝河北流七百里入計戍水今和闐河北流會葉爾羌河入塔里木河則所謂計戍水者當為今塔里木河也北魏書載龜茲國南二百八十里有大河東流號計戍水即黃

河也後周書載龜茲國南三百里有計戍水攷
龜茲為今庫車今塔里木河正當庫車之南二
百餘里與北魏書後周書合蓋同一計戍水在
于闐北者樹枝諸河入之在龜茲南者則又自
于闐之北折而東注也今和闐河入塔里木河
河自皮什雅南發源處計之流長千里自額里
齊計之長七八百里通典謂于闐河北入計戍
水長七百里蓋自于闐城計之也又考西域記

云時有外道負大匏盛滿水而進曰我知地理
遂以其水屈曲周而復始因疾驅忽而不見依
彼水迹峙其基堵遂得興功即斯國治今王隆
哈什河哈喇哈什河環夾伊里齊或即所謂其
水屈曲周而復始者歟河流域邑形勢顯然是
可參考而得其詳實也

又按後漢書言河源出蔥嶺一出于闐南山下
水經注南源導于闐南山俗謂之仇摩置證之

今西域圖志皮什雅在伊里齊城西南一百六十里其南即玉隆哈什哈喇哈什二河發源處分流於城之東西二面距河各二十里許河以外連山環抱即漢書所謂南山也考大宛傳云河源出于闐南山下其山多玉石天子按古圖書名河所出山曰崑崙蓋指于闐之山言之也西域圖志以皮什雅南諸山當之惟是崑崙者渾淪磅礴之名不得專指一山以概其全體謂

蔥嶺和闐皆崑崙之蟠根結體延亘之處可也而欲舉一山以盡之則未免掛漏之慮且河出崑崙古有明言今源所出喀什噶修葉爾羌和闐實非一源而皆不外於回部則知崑崙所在洵不得偏指以一山而要不得越於回部諸境矣又考和闐四境西接蔥嶺東近沙磧漢書言于闐西通皮山三百八十里則皮山之西非復于闐國界北魏書于闐在蔥嶺之北二百餘里

雖誤以南山為蔥嶺而其國在南山之北則固
為可據漢西域傳于闐在南山下疆域畫然則南
山之南亦非復于闐國界又考游宦紀聞載高
居誨使于闐記云玉河在國城外流出崑山西
一千三百里至國界牛頭山分為三牛頭山即
西域記之牛角山後漢書所謂南山水經注所
謂仇摩置也云置牛頭山始為國界則和闐四
境實有可據者二河並發蜿蜒北向與西來之

大河合併東赴史傳所載固昭昭不爽矣

右于闐河即和闐河

漢書張騫傳漢使窮河源其山多玉石

漢書西域傳于闐之西水皆西流注西海其東流
東流注鹽澤河源出焉多玉石師古曰玉石玉之
璞也一曰石之似玉也

梁書西南夷傳于闐國有水出玉名曰玉河

北史西域傳于闐城東三十里有首拔河出玉石

新唐書西域傳于闐有玉河國人夜視月光盛處
必有美玉

五代史四夷附錄其河源所出至于闐分為三東
曰白玉河西曰綠玉河又西曰烏玉河三河皆有
玉而色異

宋史外國傳于闐國城東有白玉河西有綠玉河
次西有烏玉河源出崑岡去國城西千三百里每
歲秋國人取玉于河謂之撈玉

高居誨使于闐記其河源所在至于闐分為三東
曰白玉河西曰綠玉河又西曰烏玉河三河皆有
玉而色異

冊府元龜于闐國城之東有曰白玉河西有綠玉
河次西有烏玉河

宦遊紀聞晉天福中高居誨使于闐作記紀其採
玉處云玉河在國外曰白玉河在城東三十里曰
綠玉河在城西二十里曰烏玉河在綠玉河西七

里源雖一玉隨地變故色不同

張匡鄴行程記玉河在于閬城外其源出崑山西
流一千三百里至于閬界牛頭山乃疎為三河一
曰白玉河在城東三十里二曰綠玉河在城西二
十里三曰烏玉河在綠玉河西七里其源雖一而
其玉隨地而變故其色不同每歲五六月大水暴
漲則玉隨流而至玉之多寡隨水之大小七八月
水退乃可取彼人謂之撈玉其國之法官未採玉

禁人輒至河濱者故其國中器用服飾往往用玉
謹按于闐玉河之名雖始見于梁書北史而史記
漢書先已言之其水東流注鹽澤河源出焉多
玉石是也攷于闐河出玉厯古相傳有三河北
史謂于闐城東三十里有首拔河指玉隆哈什
河也五代史及宋史皆謂東曰白玉河西曰綠
玉河又西曰烏玉河則出王者不特玉隆哈什
矣游宦紀聞載高居誨使于闐記謂白玉河在

城東三十里綠玉河在城西二十里烏玉河在
綠玉河西七里以今輿圖考之所謂城西二十
里當為喀喇喀什河所謂又西七里者當為卑
窪勒河卑窪勒河在喀喇喀什西即喀喇喀什
之分流者也河水出玉伊古以來歷有明證河
源所在益可按籍而稽矣

又按新唐書貞觀六年于闐遣使獻玉帶太宗
優詔答之五代史晉天福三年于闐國王李聖

天遣使進玉轡鞞裝等物宋使外國傳建隆二年聖天遣使貢玉圭一以玉為柙玉枕一本開寶二年遣貢使云本國有玉一方凡二百三十斤願以上進天聖三年遣使貢玉鞍轡白玉帶凡此皆因于閩產玉壤奠偶微獻珍既屆于要荒列史遂矜為盛美然要皆部限毗沙國別豁旦雖待徵方物之貢而未聞率土之歸惟我皇上德化滂洋瀛壖涵洽東起鳴山之山西抵極疑之

嶺悉按籍而疆理之和闡採玉諸河與內地池
潢無異管子曰玉產於禺氏之邊山是昔日傳
為邊壤者今皆屬我域中矣書言五服禮載九
畿豈足以罄

皇輿之廣遠哉

右和闡玉河

欽定四庫全書

河源紀畧卷十七

証古四

北山枝河

謹按水經注載河之正源一曰蔥嶺北河一曰
蔥嶺南河一曰于闐河其由蔥嶺折而東北曰
北山雖非正源所自出而枝水南注每多巨浸
一曰溫宿之南左合枝水為今阿克蘇及烏什

河一曰姑墨川為今阿察哈喇河一曰龜茲東
西川為今庫車東西諸河一曰敦薨之水為今
愷都河謹以

欽定輿圖西域圖志及水經注計里參證方知北山之
水較南山更為盛大酈注曰水出山而流入海
者命曰經水引佗水入於大水及海者命曰枝
水出於地溝流於大水及海者又命曰川水此
載北山枝河雖與經水有殊然源流浩衍同注

于河亦所以成經流之大也

水經注北河自疏勒逕流南河之北暨于溫宿之
南左合枝水枝水上承北河于疏勒之東西北流
逕疏勒國南又東北與疏勒北山水合水出北溪
東南流逕疏勒城下枝河又東逕莎車國南枝河
又東逕溫宿國于此枝河右入北河

謹按西域圖志蔥嶺北河為今喀什噶爾河右
入北河之枝河為今阿克蘇河阿克蘇河入喀什

什河之處正在阿克蘇之南故酈注云左合枝
水於溫宿之南也惟酈注云枝水上承北河於
疏勒之東西北流逕疏勒國南今考阿克蘇河
所匯之水一曰庫克墨爾根河一曰特木爾烏
蘇河一曰呼木阿里克河一曰托什干河俱出
阿克蘇及烏什北山匯而東南流入喀什噶爾
河與酈注所云西北流異又阿克蘇諸水發源
處俱在北方未嘗逕喀什噶爾之南與酈注所

云逕疏勒國南微異古今河流容或遷徙又東西曲注記載亦僅得大畧據酈注以考今圖不能不少有參差要其大端固未嘗不脗合也

又按酈注謂枝河與蘇勒北山水合水出北溪東南逕疏勒城下今考赫色勒河及特爾墨楚克河皆出喀什噶爾北山東南流南北夾喀什噶爾城相距僅一二十里與酈注北溪水合但酈注言此水與溫宿之南左合枝水相會今阿克蘇

南左合枝水獨有一水其赫色勒河及特爾墨
楚克河與阿克蘇發源諸水並不相通則所謂
疏勒北山之水與左合枝水會者今亦不可考
矣唐地理志疏勒鎮南北西三面皆有山城在
水中城東人有漢城亦在灘上又云赤河來自
疏勒西葛羅嶺至城西分流合於城東北與今
赫色勒河及特爾墨楚克河自喀什噶爾城西
北流會於城東北方隅全合則所謂赤河者其

即疏勒北山之水乎

右北河左合枝水即阿克蘇河

北河又東逕姑墨國南姑墨川水注之水導姑墨
西北歷赤沙山東南流逕姑墨國西其水又東流
流右注北河

謹按西域志圖庫車為古之龜茲漢書龜茲西
距姑墨六百里然則古之姑墨當在今雅哈阿
里克以西阿察哈喇河距庫車計六百里當即

所謂姑墨川也但阿察哈喇河兩水南下滲於沙土不注塔里木河與鄯注所云右注北河者異或者在道元時其水右注北河今雖淤絕不通而其河尚存也西域記謂拔祿迦國西北行三百里度石磧至浚山此則蔥嶺北源水多東流拔祿迦即姑墨所謂水多東流者非一水也姑墨川在姑墨西北意或近是唐地理志姑墨州南臨思渾河西北渡撥換河思渾河當為今

塔里木河是撥換河即姑墨川也又考唐書謂
凌山冬夏積雪春夏含凍雖時消泮尋復結冰
今木素爾嶺自雅哈阿里克之西至阿克蘇之
北堅冰積雪亘數百里正在姑墨西北其即所
謂凌山乎酈注謂水道西墨西北歷赤沙山考
漢書姑墨西距溫宿二百七十里溫宿為今之
阿克蘇阿克蘇東行二日至哈拉玉爾衮之北
三十里有鹽山自麓至頂俱紅土攪石蓋即所

謂赤沙山也

右姑墨川即阿蘇東境阿察哈喇河

北河入東逕龜茲國南又東左合龜茲川水有二
源西源出北大山南又出山東南流枝水左派焉
又東南水流三分右二水俱東南流注北河東川
水出龜茲東北歷赤沙積梨南流枝水右出西南
入龜茲城其水又東南流右會西川枝水水有二
源俱受西川東流逕龜茲城南合為一水水間有

故城蓋屯校所守也其水東南注東川東川水又東南逕烏壘國南其水又東南注大河

謹案酈注西源出北大山南又出山東南流枝水左派焉又東南水流三分又二水俱東南流注北河謂西川出北大山東南流既別出枝水又東南流分而為三也下云二水俱東南注北河謂西川及別出枝水也下云枝水有二源俱受西川即上文枝水所派也下云東南逕龜茲

城合為一水其水東南注東川謂此西川之水雖受西川而其下流則注入東川也酈注云東川水出龜茲東北歷赤沙積梨南流枝水右出西南入龜茲城此謂東川之水別出於東川之西故西南入龜茲城也云其水又東南流右會西川枝水謂東川東南流與西川枝水會也下云東川水又東南逕烏壘國南其水又東南注大河此則專謂東川也蓋東西二川各有注河惟

西川枝水則東會東川同注河耳以

欽定西域志攷之庫車為古龜茲庫車之東有額什克
巴什河即龜茲東川也庫車之西有赫色勒河
下流踰山為烏什特河即龜茲西川也其東西
枝水會合之處雖難一一脗合而二川同注大
河則古今不易矣

右龜茲東西川即庫車河

大河又東右會敦薨之水其水出焉耆之北敦薨

之山在匈奴之西烏孫之東山海經曰敦薨之山
敦薨之水出焉而西流於注泐澤出於崑崙之東
北隅實惟河源者也二源俱道西源東流分為二
水左水西南流出於焉耆之西逕流焉耆之野屈
而東南流注於敦薨之渚右水東南流又分為二
左右焉耆之國城居四水之中治員渠成西去烏
壘四百里南會兩水同注敦薨之浦東源東南流
分為二水俱東南流逕出焉耆之東導於危須國

西去焉者百里又東南注於敦薨之數川流所積
潭水斯漲溢而為海敦薨之水自西海逕尉犁國
其水又西出沙山鐵關谷又西南流逕連城別注
裂以為田其水又屈而南逕渠犁國西又東南流
逕渠犁國西又南流注於河山海經曰敦薨之水
西流注於沕澤蓋亂河流自西南注也

謹按古之焉者為今哈喇沙爾今愷都河即焉
耆之水也酈注云二源俱道西源東流分為二

水即所謂左水右水也云右水又分為二左右
馬耆之國城居四水之中是馬耆國城夾於西
源右二水之中下又云南會兩水同注敦薨之
浦蓋此二水至馬耆城南分而復合也上於左
水云注於敦薨之渚此於右水云同注敦薨之
浦皆以西源言之下於東源二水亦云流於敦
薨之藪即統承云川流所積潭水斯漲溢而為
海蓋謂西源三水東源二水匯流之地漲而成

海曰渚曰浦曰藪通曰海也攷愷都河東源有三哈布齊垓河即焉耆水之東源其西有玉勒都斯河即焉耆之西源二源會流為海核其形勢為今博斯騰淖爾無疑攷漢書西域傳焉耆近海多魚鳥魏書西域傳焉耆國南去國十餘里今哈喇沙爾南去博斯騰淖爾四里西域記謂河耆尼國城周六七里阿耆尼即焉耆也酈注謂西源石水分為二夾焉耆城今裕勒都斯

河東距哈喇沙爾二三百里不夾哈喇沙爾左
右城邑遷改不常以古證今但求大端之昭合
而已其枝流派別分合環夾難以一一泥求要
無害其為合轍也

又按鄺注云敦薨之水自西海逕尉犁國其水又
西出沙山鐵關谷又西南流逕連城別注裂以
為田其水又屈而南逕渠犁國西又南注於河
攷漢書西域傳焉耆南至尉犁百里渠犁東北

與尉犁接則渠犁又在尉犁西南也酈注謂敦
薨之水自西海逕尉犁國所謂西海即博斯騰
淖爾謂逕尉犁國又逕渠犁國入河則是自騰
喇沙爾南又西南入河與今愷都河出博斯騰
淖爾西流至庫爾勒之地屈而西南流又屈而
南流入大河方隅全合又考晉書楊宣攻焉耆
軍次其國進屯鐵門所謂鐵門者或即所謂鐵
關乎又云未至十餘里國王名率衆先要之於

遮留谷鐵門與遮流谷相距僅十餘里蓋即酈
注所云鐵關谷也又考唐書地理志自馬耆西
五十里過鐵門關然則鐵門關在馬耆之西愷
都河必西逕鐵門關始至古渠犁之地證之唐
志而方位較然矣

右敦薨之水即愷都河

蒲昌海

謹按山海經東望泐澤河水所潛蓋蔥嶺和闐

諸河東注泐澤伏而不行故云潛也水經注謂水積龍城之西南龍城故姜賴之虛蒲昌海溢盪覆其國城基尚存而至大晨發西門莫達東門夫國城至大乃為蒲海所溢盪則其渾渾泡泡洄湍電轉者可想矣蓋西域之水多注於河復合正源旁源諸河而盡注北海其左右沙山蟠積停聚不流以甚盛之水敵甚盛之沙力不勝而伏焉故其流愈激也伏讀

上諭及

御製河源詩按語始知西域河至羅布淖爾伏流至青海西南阿勒坦噶達素齊老上有天池重源潛發名阿勒坦河至哉

聖人之論能使全河伏見之脈列若璣衡夫河既伏流力無所洩不行地上必由地中其趨於青海西南復出者勢也蒲昌海為今羅布淖爾西域河源至此而潛青海河源由此而發斯真大河之

鍵鎔謹採史籍所載可為蒲海證明者詳著於
篇

史記大宛傳于寘之西則水皆西流注西海其東
水東流注鹽澤鹽澤潛行地下其南則河源出焉
漢書地理志燉煌郡正西關外有白龍堆沙有蒲
昌海

漢書西域傳其河有兩源一出蔥嶺山一出于闐
于闐在南山其河北流與蔥嶺河合東注蒲昌海

蒲昌海一名鹽澤者也去玉門陽關三百餘里廣
袤三百里其水亭居冬夏不增減皆以為潛行地
下南出於積石為中國河云

後漢書西域傳其河有兩源一出蔥嶺東流一出
于闐南山下北流與蔥嶺河合東注蒲昌海蒲昌
海一名鹽澤去玉門三百餘里

山海經西次三經又西北三百七十里曰不周之
山北望諸毗之山臨彼嶽崇之山東望渤海河水

所潛也其源渾渾泡泡註沕澤一名蒲昌海廣三四百里其水停冬夏不增減去玉門關三百餘里即河之重源所謂潛行也渾渾泡泡皆噴濤之聲水經其一源出于闐國南山北流與蔥嶺所出河合又東注蒲昌海

水經註其水東注澤澤在樓蘭國北故彼俗謂是澤為牢蘭海也釋氏西域記曰南河自于闐東於北三千里至鄯善入牢蘭海者也山海經曰敦薨

之水西流注于沕澤蓋亂河流自西南注也河水
入東注於沕澤即所謂蒲昌海也水積鄯善之東
北龍城之西南龍城故姜賴之虛西域之大國也
蒲昌海溢溫覆其國城基尚存而至大晨發西門
暮達東門澮其崖岸餘溜風吹成龍形西南向海
因名龍城地廣千里皆為鹽而剛堅也行人所遇
畜產皆布氈卧之掘發其下有大鹽方如巨枕以
次相累類霧起雲浮寡見星日少禽多鬼怪西接

鄯善東連三沙為海之北隘矣故蒲昌亦有鹽澤之稱也山海經曰不周之山北望諸毗之山臨彼岳崇之山東望沕澤河水之所潛也其源渾渾泡

泡者也東去玉門陽關千三百里

原按漢書西域傳蒲昌海去玉

門陽關三百餘里後漢書同惟水經經作千三百里足證二書皆脫千字

廣輪四百里

其水澄停冬夏不減其中洄湍電轉為隱淪之脈當其濞流之上飛禽奮翮於霄中者無不墜於淵波矣即河水之所潛而出於積石也

括地志蒲昌海一名泐澤一名鹽澤亦名輔日海

亦名牢蘭海亦名臨海在沙州西南

見史記大宛傳正義

通典西州蒲昌縣東南有舊蒲類海今名婆悉海
庭州蒲類縣蒲類海一名婆悉海

太平寰宇記陽關在縣西六十里

蒲昌縣

以居玉門

關南故曰陽關關之西三百餘里有蒲昌海一名
鹽澤廣袤三百里即葱嶺于闐兩河之所注西州
交河郡蒲昌縣取縣東南蒲類海以為名蒲類海

考人呼為婆悉海

輿地廣記壽昌縣本龍勒陽關在縣西六里玉門
關在縣西北一百十八里二關之西三百餘里有
蒲昌海一名鹽澤廣袤三四百里則蔥嶺于闐兩
河所注也

謹按沕澤之沕多訓為黑西山經長沙之山沕
水出焉北流注於沕水郭注沕水黑色也西次
三經又曰沕山神蓐收居之郭注亦云沕音黠

黑之黝是山以洶名與水以洶名皆訓為黑則
洶即黝也又北山經曰邊春之山杠水出焉而
西流注於洶澤又灌題之山匠韓之水出焉而
西流注於洶澤凡此皆以洶澤名或即敦薨之
水所注之洶澤乎今羅布淖爾西境合受六大
水為黃河之正流其東境闕展哈密諸水皆隔
於沙山不顯然來會但以地勢求之無不潛流
交貫者當即山海經西流注洶澤諸水是也蒲

昌海容納之大於此可見其不能不潛達於青海為中國河蓋參考形勢而得知其概矣

又按蒲昌海之得名鹽澤者水經注言鹽澤地廣千里蒲昌海廣袤三四百里涼土異物志云剛鹵千里蒺藜之形其下有鹽累棋而生與所云地廣千里為鹽剛堅者正合新唐書侯君集傳高昌王麴文泰曰唐去我七千里磧鹵二千里高昌即車師前庭其地磧鹵二千里然則鹽

澤東西地皆斥鹵蒲昌既在鹽澤中以其獨為
河水所潴蓄故名之曰海曰澤耳又考鹽澤亦
名鹽水史記大宛傳貳師伐宛之後西至鹽水
往往有亭是也蓋鹽澤本剛鹵之地蔥嶺和闐
二河合諸源自西來注亦必與鹵澤會流故河
水兼祿鹽水又考蒲昌海東南伏流之境多為
鹽水者所在多有顏師古漢書注謂燉煌西北
有惡磧水又鹽苦謂之鹽水今安西州西南有

達布遜淖爾西域同文志謂即鹽池蓋鹽澤千
里時浚小水東自燉煌西至交河北庭界皆有
之惟通名鹽澤之蒲昌海則在今哈喇沙爾之
南耳又考通典及太平寰宇記均謂西州有蒲
昌縣以縣東南蒲類海故名今考蒲昌海為羅
布淖爾在哈喇沙爾正南蒲類海為巴里坤池
在天山北麓相距千數百里二海不得混而為
一唐宋時偶有通稱耳又考西域圖志蒲昌縣

為今之勒木丕在哈喇沙爾東尚三百餘里唐人遂以蒲昌名縣者西域中大澤以蒲昌海為最著縣與海近在數百里之間即得取以名縣重巨浸也

又案漢書西域傳謂蒲昌海去玉門陽關三百餘里水經注載國邑道里多據漢書其於蒲昌海距玉門里數則云千三百里蓋漢書三百里上脫去千字故道里不合耳伏讀

御批通鑑輯覽謂蒲昌海在回部闕展西南闕展為古
車師及高昌地高昌東至玉門關一千三百里
見於魏書蒲昌海里數自當畧同又考新唐書
地理志陽關故城西至蒲昌海南岸千里云至
南岸千里則至北岸又不止千里矣以今輿圖
攷之羅布淖爾東距黨河一千三百里伏讀

御製陽關考謂今之黨城即古玉門關稟承詳繹知水
經注謂蒲昌海去玉門一千三百里與今道里

悉合不可易也

